



www.BibleForChildren.org




Jon 14



Osiqa Yesus a olo marej, "Ningi are gulbeingaiq. Ningi Qotei qa nungo areqalo singilateqnub ariya ningi e qa dego nungo areqalo singilatoqniy. Ijo Abu aqa talq di warum gargekoba unub. E oqsiy nungo segi segi warum gereiyetngwai."




"Ijo anjam di bolesai qamu e ningi merngosai qamu. E nungo segi segi warum gereiyetngsiy olo bosiy ningi joqsiy qure e sqai di ningi dego e ombla sqab."



E nungo was Jon. Iga kalil koba na Yesus aqa tamo
ungasari unum. E ningi ti gulbe qoboiyoqnsim
jaqatiŋ eleŋeqnum. Qotei a gago Mandor

Koba sosiq iga
taqatgeqnu.



Deqa iga singila na
tigeloqnsimqa gulbe
qoboiyejunum.




E Qotei aqa anjam ti Yesus aqa anjam ti
palontoqnsim laqnem deqa jeu tamò nangi
na e taqal waibosib nui ñam Patmos

endia e ateb unum.



Onaga bati qujai dega Qotei aqa Mondor na e
singilatbonaga e tarosim lan goge dia awo
jaram kobaquja sonaq unem. Tamo bei a awo
jaramq di awesoqnej.




Onaqa ingi ingi kalil Qotei na gereinjrej qaji nangi
anjam mareqnab e nango kakro quem. Ingi ingi kalil
lan qureq di, mandamq di, mandam
sorgomq di, yuwal miligiq di unub
qaji nangi anjam mareqnab e
nango kakro quem. Od, ingi
ingi kalil sawa
sawa kalilq di
unub qaji
nango kakro
quem.




Nangi endegsib maroqneb, "Tamo awo
jaramq di awejunu qaji nangi Kaja
Du wo bati gaigai arebolebole
ti ñam ti rian ti singila ti oqnsib
sqab. Deqa iga bati gaigai nangi
aiyel biñinjroqnqom."




Onaqa e Qotei aqa qure koba Jerusalem bunuj
di dego unem. Qure di Qotei aqaq di sosiqa
lan goge dena mandamq aiyeqnaq e unem.
Qure di aqa wala tulan boledamu. Uña
a tamo ban ojqa osim walaqas dego
kere. Onaqa
awo jaram
namoq di tamo
bei a tigelosiq
anjam marnaqa
e aqa kakro quem.




A tulan lelenosiq marej, "Ningi quiy. Bini Qotei aqa tal aisiq tamongasari nangoq di unu. Deqa Qotei a nango ambleq di sqas. Nangi aqa segi tamongasari sqab. Od, Qotei a nangi koba na sqab. A nango Qotei sqas."



Onaqa lan angro dena e ya bei osorbej. Ya di nambile
qa ya. Ya di tulan rianosiq qunun bulej. Ya di Qotei
aqa Kaja Du wo nango awo jaramq dena bosiq qure aqa
gam koba dauryosiq sumoqnej.



Qure di sen ti bai ti na suwantosai. Qotei aqa segi
rian na qure di suwanteqnu. Kaja Du a segi qure di
aqa pulonj.




Ariya tamo kumbra uge uge yeqnub qaji
nangi ti tamo gisan anjam mareqnub
qaji nangi ti ingi ingi
jiga ti kalil qure di
miligiq gilqa keresai.
Tamo ungasari nango
ñam nambile qa buk
miligiq di Qotei na
nengrenyej qaji
nangi segi qure di
miligiq gilqa kere.
Nambile qa buk di
agi Kaja Du aqa segi buk.




"A nango nam ya kalil
nuntetnjqas. Deqa nangi
olo akamqasai. Nangi olo
morenqasai. Nangi olo are
gulbeinjqasai. Nangi olo
jaqatin oqasai. Kumbra
namij kalil di koboqas."




Ingi kalil Qotei a uge qa mareqnu qaji nangi qure dia sqasai. Qure dia Qotei aqa Kaja Du wo nango awo jaram sqas. Qotei aqa wau tamo nangi a qa louoqnqab. Osib aqa ulatamu unoqnqab. A na aqa segi ñam nango lanjaq di nengrenyim sqas.




E nam atsimqa tamo ungasari nami moreneb qaji nangi
awo jaram namoq di tigelesonab unjrem. Tamo ñam ti
tamo lanaj ti kalil e unjrem. Unjreqnam lan angro
qudei nangi na buk qudei osi bosib waqteleheb.
Buk miligiq di kumbra kalil tamo ungasari
nangi nami yoqneb qaji di
Qotei na nengrenyonaq
soqnej. Buk bei dego
lan angro nangi osi
bosib waqteb.



Buk di ɲambile gaigai sqajqa buk. Tamo awo jaramq
di awesoqnej qaji a buk miligiq di anjam sisiyosiq
anjam dena tamo ungasari moreño qaji nangi
peginjrej. Tamo ungasari kalil nango
ñam ɲambile qa buk miligiq di sosai qaji
nangi di Qotei na breinjrnaq
ɲamyuwo kobaq aiyeleneb.



Qotei aqa Mondor wo Kaja Du aqa uña bunuj wo nangi aiyel na mareqnub, "Yesus, ni aue." Tamo kalil ijo anjam endi queqnub qaji nangi marebe, "Yesus, ni aue." Tamo bei a ya qaryimqa bosim nambile qa ya osim uyem. Ya di awai saiqoji. Qotei na laña anaiyqas.



Qotei aqa Niri qujai unu. Qotei na
tamo unggasari kalil mandamq endi
unub qaji nangi tulan qalaqalainjrsiq
deqa aqa segi Niri qujai di
nangi enjrej.



A endegsi are qalej, 'Tamo ungasari
nangi ijo Angro qa nango areqalo
singilatqab di nangi padalqasai. Nangi
nambile gaigai sqab.' Qotei a degsi
are qalsiq deqa aqa segi Niri
qujai nangi enjrej.



Rom 3:23

Iga kalil une ateqnum deqa iga lan
qureq oqsim dia Qotei itqa keresai.

Rom 6:23

Une na aqa kangal tamo nangi awai enjreqnu. Awai
agiende. Nangi moreneqnu. Ariya Qotei na iga ingi
boledamu lana egeqnu. Ingi boledamu di agi iga nambile
gaigai sqom. Nambile di iga gago Tamo Koba Yesus
Kristus aqa wau na oqom.

Hibru 9:27

Iga qalie, tamo kalil nangi bati qujai qa moiyeqnu.
Mondon nangi Qotei aqa ulatamuq di brantib a
nango une qa nangi peginjqas.



Efesus 2:8,9

Ningi Yesus qa nungo areqalo singilatonabqa Qotei a ningi qa are boleiyej. Aqa kumbra dena a na ningi elenej. Ningi wau bole yonab dena Qotei na ningi elenosai. Qotei a ningi lana elenej awai saiqoji. Od, ningi wau bole yonab dena Qotei na ningi elenosai. Deqa ningi nungo segi ñam soqtqa keresai.

Rom 10:9,10

Deqa ningi nungo medabu waqtosib Yesus a segi qujai Tamo Koba unu degsib boleq di mariy. Osib Qotei a Yesus subq na olo tigeltej anjam di nungo are miligiq di singilatiy. Ningi degyqab di Qotei na ningi elenqas. Gago are miligiq na iga Yesus qa gago areqalo singilateqnum deqa Qotei na iga tamo bole une saiqoji qa mergeqnu. Gago medabu na iga Yesus aqa ñam soqtoqnsim boleq di mareqnum deqa Qotei na iga elenejqnu.



Joh 3:16,17

Qotei aqa Niri qujai unu. Qotei na tamo ungasari kalil mandamq endi unub qaji nangi tulan qalaqalainjrsiq deqa aqa segi Niri qujai di nangi enjrej. A endegsi are qalej,

'Tamo ungasari nangi ijo Angro qa nango areqalo singilatqab di nangi padalqasai. Nangi nambile gaigai sqab.' Qotei a degsi are qalsiq deqa aqa segi Niri qujai nangi enjrej. Qotei a tamo ungasari mandamq endi unub qaji nango une qa peginjrqa marsiq aqa Niri qarinyosai.

A nangi elenam nangi padalaib deqa osiq aqa Niri qarinyonaq mandamq aiyej.



1 Joh 5:11-13

Qotei aqa anjam agiende. A na iga nambile gaigai sqajqa marsiq nambile egej. Nambile di Qotei aqa Niri aqaq di unu. Tamo bei a Qotei aqa Niri beteryesqas di a nambile oqas. Ariya tamo bei a Qotei aqa Niri beteryesqasai di a nambile oqasai.

O ijo was, ningi Qotei aqa Niri aqa ñam qa nungo areqalo singilateqnub. E na anjam endi nengrenyosim nungoq qarinyonum. Di kiyaga? Ningi bole qalieqajqa, ningi nambile gaigai sqab.



Jon 14; 2 Corinthians 5; Uli Anjam. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Anjam Bible (boj) © 2014, Wycliffe Bible Translators,
Inc. All rights reserved

<https://live.bible.is/bible/BOJWBT/MAT/1>

©2024 Bible for Children, Inc.

www.M1914.org

www.bibleforchildren.org

